

肇天千仞如削東鋪翠嶂如幟飛空宛然  
皂纛之形煙靄嵐橫人間紫府中有玉清  
太清太子三巖皆

玄帝游息之地石皆作金銀之色  
金鎮峰在展旗峰之北地形類閣上倚蒼宮

下臨青澗石如刀劍藤若網羅凜凜有不  
可近之勢牛漕關即其西也傳云

玄帝收攝妖魔戮其渠魁奇形異狀如獼  
如猴悉鎮于下誓曰俟此山下澗水枯竭  
方才放爾今石壁即其門也

○青羊峰在金鎮峰之北高聳突兀林木蔚暢  
傳云

太上駕青羊常游于此其下即清泉名曰  
青羊澗

七里峰在隱仙巖之北竹圃之下一運七里  
百步九折越山度嶺即鎮天五里下即五  
龍接待庵土花盈砌山桂飄香駐鶴迎賓  
烹茶炊粟一如仙家故事

繫馬峰在接待庵西北當登山正路一峰特  
起即天馬臺傳云昔

玄帝現真容乘白天馬立於其上下有一  
殿曰黑虎大神之祠

會仙峰在登山大道之間仙術鋪地椽木映  
天昔宋端平中主山曹觀妙迎三茅真君  
于此遇而不識事見本傳今列祠于此曰

會仙都土地

茅阜峰即山上之一嶺福地之初門上有守

土地靈官之祠靈顯異衆人有茹葷殺傷  
登山者微則蛇虎斥逐否則攝於樹下如  
束縛之狀由此觀之神物護山如是居者  
登者其靈應又當何如哉

武當福地總真集卷上

武當福地總真集卷中

三十六巖

紫霄巖一名南巖一名獨陽巖在大頂之北  
更衣臺之東欽大巖之西仙侶巖之南當  
陽虛寂上倚雲霄下臨虎澗高明豁敞石

精玉瑩皆自然作鸞鳳之形萬壑松風千  
崖浩氣

玄帝鍊真之地神仙遊息之墟品列殿宇  
安奉

佑聖銅像元具乙未方士王通一未通與  
葛鍊來信於道陵鑄成前大學

博士須溪先生劉辰翁詳于銘曰天地先  
水中鉛範合堅靈風煙生青蓮劍蛇時按  
大千龜蛇端初運通飛 繪塑真容至元甲  
乾乾玄玄天萬萬年

申住巖張守清大興修造疊石為路積水  
為池以太和紫霄名之巖上分列殿庭晨

鐘夕燈山鳴谷震真象外之境中有一泉  
名曰甘露水不三如珠燦甘美清麗幽人達士

多居之即三十六巖之第一巖西上百  
餘步一石突出於虛壁萬仞之上名曰試

心石到此無不股慄又十餘步即  
玄帝更衣臺易松蘿之衣服所賜冠帔之

處其臺下懸空石室即謝天地修煉之巖  
至元乙亥洞雲道人魯大有以道著遠開  
復香火行緣受供與五龍紫霄二宮等

隱仙巖一名尹仙一名北巖在竹關之上高  
聳雲煙俯視漢水石如玉壁呈瑰納奇古

神仙尹喜尹軌所居歷代神仙多鍊大丹  
于此丹室爐竈存焉近代田蓑衣隱此證

道巖右大木下石基盤局橫鋪于上左右  
列石為坐傳云尹軌採茶之所夜籟澄寂

常聞步虛玉磬之聲頻見神仙往來能虎  
宿衛出典地志

仙侶巖在大頂之北面朝天門山會平坦一  
泉自巖而出有鳴金漱玉之聲神仙多棲

之遊人至此無一點塵壘氣其泉名百花  
昔陶幼安得道於此

卧龍巖在松蘿峰面向東北豁達高潔霜天  
月夜鶴唳猿啼清幽無比雲霧霧縹隱然

南陽氣象  
尹喜巖一名仙巖展旗峰在北翠巒聳筆玉  
澗調琴昔文始先生隱此下有一澗名曰

牛溝

太上隱化訪喜青牛卧此因以名焉  
五虛巖一名俞公巖在仙關之東九渡澗之

上石壁半空巖高百仞澗聲雷震萬壑風  
煙昔有隱者俞惠哲誦經于此一老人常

往聽之忽一日語曰我東溟之子謫居于  
是限滿得還所居願奉仁者一夕雷雨為

整其石近代人往避兵火焚石落不可居  
五龍巖事見五龍玉清巖事見玉清太清巖元名修道

此因名之太子巖三巖事見太子巖皇后巖事見皇后巖  
白雲巖事見白雲道者巖事見道者巖三公巖三公

山朱砂巖事見朱砂天馬巖事見天馬藏雲巖事見藏雲  
全事見全隱士巖事見隱士雲母巖事見雲母楊仙巖

二巖在五龍宮東二百步二巖對立桃花  
夾徑雲龕月席面對群巒松竹交青四時

如一昔隱士花楊先生服朮于此年百餘  
歲人往訪之飛步而走或問之曰何故却

人如此應曰腥全之氣觸我之神不容坐  
爾後不知所在  
沈仙巖在飛昇臺之西桃源洞之對石室偃

仰泉澗清幽昔有沈仙成道于此因名之  
滴水巖在仙侶巖之南巖如大厦裂石出泉  
因以名之

常春巖事見常春集雲巖事見集雲  
謝天地巖事見謝天地北斗巖事見北斗

欽火巖一名雷洞在紫霄巖之北石如火燄  
樹如龍爪中一靈池水能療疾叩禱服之

無不應驗有私飲此水者則神火燒身雷  
風大作內有欽火真形見者悚慄其正雷

洞鄧天君修鍊處在疊字峰人跡不可及  
黑龍巖在仙關九度峰南龍潭之上

白龍巖在飛昇臺下龍潭之南二巖俱近龍  
室不可居止

黑虎巖在黑虎澗上大林巨石之中黑虎所  
棲之地

昇真巖事見昇真碧峰巖事見碧峰  
仙龜巖在金鏡峰下石如神龜合煙噴霧巖

居其中  
雷巖迺鄧天君修行處事見雷巖  
風巖在大頂之下萬虎澗瀆石穴噴氣震響

林怪人莫能近

二十四澗

大青羊澗一名青羊河自大頂之北會諸澗而出澗河蛟室龍宮分列上下春夏水泛噴雪轟雷夕現霓虹朝騰煙霧石魚金鯉

神獸幽禽神仙洞天之所

萬虎澗在大頂之北風雷震怒如萬虎之咆

哮會于青羊澗

牛槽澗自尹喜巖飛臨西入青羊澗

桃源澗自紫蓋峰發源由龍潭東入青羊澗

黑虎澗 磨針澗

二澗起自龍頂會于白龍潭

小青羊澗 陽鶴澗

自陽鶴峰穿林麓東入於青羊澗

金鎖澗 飛雲澗 瀑布澗名曰水廉

三澗起於金鎖青羊二峰之左右西悉入于青羊澗

于青羊澗

會仙澗在五龍頂之北諸峰之水會而北出

嵩口會于嵩谷澗

嵩谷澗自梅溪之東諸山之水西入于青羊

澗會于澗河

武當澗在大頂之東皇崖諸峰之水北入於

紫霄澗

紫霄澗三公山之水轉自紫霄宮南迤北會

諸澗入九度澗

黑龍澗香爐諸峰之水會前二澗自龍潭飛

流東入九度澗

白雲澗自五老峰出接九度澗

九度澗會諸澗而出梅溪澗

梅溪澗出梅溪莊而為澗河

西澗自馬嘶山龍井發源而北總山西諸澗

金鷄澗自大小鷄鳴峰之水會於西澗

雷澗自覺字峰雷洞之水由南會於五龍澗

五龍澗自伏龍諸峰之水由雷澗出西澗自

嵩口會青羊澗梅溪澗合為澗河澗河東

北入于漢

鬼谷澗自大頂之南發源會山南諸峰之水

東會雙溪澗

雙溪澗自大頂東南諸峰之水交會鬼谷澗

由浪河西北入于漢

臺池潭洞

飛昇臺在五龍宮東南百步大頂更衣臺對

峙松檜扶疎煙霞交映古殿屹立萬壑千

崖一目可觀登臨之人萬慮洒然按圖經

碑刻玄帝奉

天詔于此五龍掖之上昇地皆變金玉之

色今舉山皆金星石銀星石惟此為最

更衣臺

玄帝飛昇更衣松蘿服天衣處事見紫

誦經臺陳希夷誦易處事見桃

望仙臺在五龍宮東北百步福地門之東一

臺巋然數松森立一亭高敞仰眺嶂巒元

天馬臺

初刻修

玄帝現真容乘白天馬立處事見紫

天池在大頂進封廣瀾龍王事見天

龍池五炁龍君所寓事見五

日月池在五龍宮天寶壇南廡後二池相並

月池時草延蔓日池周維約二十餘丈大

旱不乾久雨不溢其水五色時時變更西

南皆連山之石每遇霜降清曉之際間有

白炁如雲上昇移時方散至此者毛骨凜

然端平之前山門全盛管轄曹侍德建寶

藏於池南鳩工夢神仙語之曰此處上應

三天下即洞府群仙神龍居焉苦法輪運

轉神靈弗安君將若何覺而語諸同僚夢

悉符合於是設藏殿而不運池濱嘗榜之

曰洞天在近過往低聲中統庚申宣慰孫

嗣舉衆內附時當七月兵士詣池洗劍神

龍擁脊而現鱗鬣天地昏暗雷雨大震近

年朝山之士引至犬馬誤飲之者立斃其

顯應之迹若是

鍊丹池 自然庵 庵池相伴在五龍宮西

五十步歷井捫參而上介乎二山之間松

杉盤屈如龍如虬雖三伏蘊隆略無暑氣

東麓下即鍊丹池也水中巨石下一穴有

龍居焉人常見之虎豹禽鳥常飲于此按

圖記馬明生故址陳希夷次居之此處感

五炁龍君授以睡法得畫前之妙明生所

鍊太陽神丹爐灰尚存非鐵非石希夷聲

譽遠者倦於迎待專誦經堂以避之

鹽池 玄帝伏魔處事見他

黑龍潭在仙關之上紫霄澗水之中二石參

天中存二線下澗如屋潭深不可測大旱

禱之立應廟在其上

白龍潭二所 一所在磨針澗下瀑布千丈

有廟在巖內祈禱累應一所在飛昇臺下

潭黑而深雲氣上昇立澍霖雨人罕有至

雷洞欬火鄧天君修真處事見他

桃源洞在五龍諸仙瘞劍之所事見他

甘露泉在紫霄巖本巖

參斗泉在大頂之下雷石峰南石巖下一泉

前有二石井圍經云千人汲之不減不汲

不增上應參星故也

百花泉在仙侶巖昔神仙陶幼安得道于此

事見本巖

龍井在天馬峰事見本巖

五龍井在五龍宮之四維中一井在拜殿內

即歷代投簡之所今以石掩之泉甘而美

色清而瑩飲之者曰可以蠲疾本山諸宮

觀庵巖居者為瘵所厄到宮住之其瘵自

消道友汲水和藥能療衆疾信龍井之靈

如是

星嶺在白雲峰出與地志

虎溪即萬虎澗本巖 風穴在萬虎澗事見本巖

宮觀本末

五龍靈應宮傳記

玄帝昇真之時五龍被駕上昇以其舊隱

為奉真之祠方輿勝覽曰五龍觀即其隱

處宋孝宗淳熙九年均州知州王德顯奏

降勅賜賜靈應觀為額有碑存焉至元十

六年玄教宗師江淮總攝張真人改陞官

號其宮在大頂之北五龍頂之東隱仙巖

之南青羊澗之西虎龍踞盤林鬱環拱方

安五井中列二池殿宇巍峨儀像森列一

山突出有若地軸之形正殿當中金碧交

榮專以崇奉

玄天上帝聖容帝御五龍玄袍龍眉鳳目

日彩月華披髮跣足皆以異香純漆塑而

成之玉女金童擊劍捧印二卿朝服拱侍



庭下四大天丁執纛秉旌扈從環衛四壁  
繪降生成道事跡後列蒼龜巨蛇水火升  
降之勢歷階而上三殿品立中曰明真殿  
奉 聖父聖母元君南曰桂籍殿奉

元皇帝君北曰蓬萊殿設真師十聖上即

靈應步雲樓其餘殿庭羅列不贅錄每  
歲上巳重九行緣受供謁者輻湊灑灑清

絕莫此為最宋初陳希夷住止於前紹興  
南渡茅山清貞觀道士孫元政開基于次

金亡瓢笠唐守澄重復其規宋末江陵超

然觀王以寧管轄于內至元乙亥金真汪

思真復振宗風至元丙戌建寧葉希真領

都提點任此皆闢荆開基之士故併書之

紫霄宮紫霄者玄天之別名也宮在大頂之南

北展旗峰之東威烈廟之西太子巖之南

前對三公萬仞玉筍倚天之峰後坐遠嶂

七巖早蕪橫星之勢杉杉挺特花木芬芳

殿宇崇高堂廡拱接

帝容尊肅神靈威嚴一做五龍之制度然

地勢豁敞未易相伴神仙鍊性修心之所

國家祈福之庭宋宣和中創建其勅額文  
據甲午劫火主者挈之南游庚申之前遷  
州于此人民皆卜居焉繼後宣慰孫嗣舉  
衆內附十五年官無人跡至元乙亥山  
門重開正殿僅存猶可瞻仰歲在丁丑道

士李守冲闢荆于前戊寅歲中契丹女官  
蕭守通建殿于後行緣受供一如五龍

佑聖觀在大頂之東南五十里雙溪澗之次

鹽池之北左倚丹竈疊翠之峰右踞伏魔

飛空之勢涵花映雪翠竹梳風平田鋪數

頃之黃雲靈沼示萬年之瑞色古今相傳

玄帝攝伏魔精置于石下有鹹泉一脉浸

于池中俗以鹽池呼有司禁止泉源漸竭

因建觀以鎮之山勢攢簇隘而可觀自雁

劫運僅存舊基至元戊寅有道士趙守節

號碧雲以道法術數著領其徒衆數年之

間殿宇像儀悉成群山四列平田一川瞻

道珍羞不勞搬運行緣應供一新前規

王母宮在大頂之南群峰之中雲煙互拱於

高低林麓參差於左右巖壁遠謝真跡著

明昔

聖母善勝太后訪真于此因名焉非絕念

之流焉能棲息

雲霞觀在歛火巖之右展旗峰之南蒼雲環

列雲霞捲舒至元癸巳宗師張真人重給

觀額開荆規模

神仙靈跡

磨針石五龍宮北一里許有澗曰磨針澗其

源自五龍頂而下飛泉挾石喬木芳草有

靈石橫於澗濱若磨礪痕跡古今相傳云

玄帝鍊真之時久未契玄似有怠意因步

澗下見一神女以鐵杵磨之即紫元君神

化也因問曰磨欲何為應之曰家住山中

失姑綉針磨以償之謂曰鐵杵成針鉅非

容易答曰工夫未至耳

玄帝大悟厥後愈勤修進克證天真

試劍石在大頂二天門之內一石中分劍跡

昭然傳云 玄帝試劍處

仙基石神仙尹執梓其處在隱仙巖事見本巖

試心石在紫霄巖西事見本巖

三天門在大頂下尹善樓真處事見天

榭梅仙翁祠在五龍宮北磨針石南上百步

有枯木一二邊有一木參天呼之曰榭梅

榭木梅實桃核杏形者舊相傳此木一枯

不出丈尋一株復榮真仙果也下一廟曰

榭梅仙翁四五月間果熟之時樹高不見

其形叩禱仙翁移時自落取而食之味酸

而甘然亦罕得以驗豐歉豐年實多荒年

則無傳云

玄帝磨針之悟因摘梅花插于木上誓之

曰我若道成汝當結實是以靈根仙跡萬

古如初

鍊丹爐列仙鍊丹之所事見隱

自然庵神仙馬明生鍊丹處事見鍊丹地

仙禽神獸

黑虎北方天一之所化護山之靈神變化不

一或托相為人金甲皂袍若將軍之狀或

顯真相玄髮黑色如獅子之形或大如麋

或小如豹見之者不祥夢之者獲慶夜巡

廊廡靈跡昭垂不善之人立為屏斥丹經

云虎向水中生是也

白蛇翼軫之餘氣福地之靈神四鼻八牙變

現莫測或盤石上或卧澗濱大若棟梁小

如指筋忽現幻於梵卓牀席之上或逐惡

人於道途夢寐之中神異無窮筆古難盡

靈鳥秉北方之色為武當之靈預報吉凶驗

其慈厲靡不應者常數枚息於殿栢之上

昏曉之交噪躍于內傳云報曉者此也然

物我相忘略無驚懼晨夕二供飛翔伺食

內一紅喙者見之獲吉

白鷗似雉而尾長四五尺朱冠鐵距玄裳縞

衣呼類喚朋於蒼松翠竹之上真仙禽也

然不受樊畜自奮而死

錦雉色全五彩羽應四時振翼梳翎避巖依

竹誠可敬愛常游庭畔飲啄自如

飛鼠似鼠而長青尾短項飛躍林木疾若猿

猱人目之曰仙鼠

我師禽褐衣金喙青首紅足清秋良夜高峰

深木之中呼鳴我師終夜不止傳云

玄帝上昇蕙帳既空山禽追慕不已

半部樂形如黃雀數十為群音中宮商有鼓

瑟吟唱之韻傳云

玄帝棲真之時地神呈瑞今時時見之

奇草靈木

萬年松福地之瑞草高不過五寸其色蒼翠

根葉俱稱生絕澗壁石中懸崖而取得之

者以淨水濕土栽之立活斂而藏諸策中

其復如初油手觸汚即日黃殞若罹妖怪

哉放神前邪魁遠遁今江南名山亦有不

若本山之靈

千年艾 玄帝存此以濟四方之民艾葉菊

花蓮根术幹秋清葉生青珠如丹之類伏

日採之治男子虛耗婦人血氣之疾

榭梅事見榭梅祠

蕙蘭生於崖石之間春暮風和幽香清襲

葛乳地之瑞慶葛之精華秋露浮空如芝湯

地其色赤脆其味苦甘大治酒積之疾

松蘿 玄帝之仙衣福庭之靈裔生高峰古

木之上長者丈餘能療蛇虎湯火頑瘡之

疾嚼汁吞服吐滓數瘡立愈諸山亦有未

聞却疾

天花色紅而秀上有尺餘懸絲秋未遍開幽

麗可愛音

玄帝昇其敢之巖谷迄今仙裔傳之無窮  
雲竹地之靈瑞凝之於竹紫瑩黑紋見者奇

之茂林之中間見一二

涉籬樹其葉不凋其本本高實如大粟生深

澗大山之陰隱然有映覆廣寒之象

芳馥樹葉青而秀木大而高根株皆自然藤

蘿交表之勢與畫者無比武當有二大頂

與五龍接待廣澗瀆

石燈心生武當山地中色蒼而直如腐石之

形浸以膏油光明洞煥

金星石 銀星石

玄帝上昇地皆變此滿山皆然能瘳小兒

驚癩之疾諸方俱用但性寒耳

山肴野歎松菌苟脯橙湯木煎茗茶露酒粟

飯橡糕自有得慶至如紙食糝穰足以禦

寒松燈樺燭足以繼晷詩云山田粟米飯

野菜淡黃蕘箇中滋味別只許自家知

玄帝養士之福如此儻非識破浮華焉能  
笑傲物外敬錄此語示諸同志

武當福地總真集卷中



武當福地總真集卷下

天封玄帝聖號 出仙傳

不三

聖號元帥鎮天玄武大將軍三元都總管九

天遊奕使左天罡北極右垣三界大都督

神仙鬼神公事判玄都右勝府事領元和

遷校府事紫皇天一天君玉虛師相玄天

上帝

宋封聖號

北極鎮天具武佑聖助順靈應福德仁濟正

烈協運輔化真君 本名玄武帝

靜樂國傳記龍變梵度天之下靈寶大法諸

大祕文云龍變梵度天北方之天四種民

天之一在無色界之上其色赤太虛之景

靈寶之宮下應西方婁宿又武當圖記五

龍頂一峰上應龍變梵度天北方五炁龍

君居之今均州之南三十里有村名曰樂

都傳云此古淨樂國村之東山下古陵數

塚者舊相傳云靜樂國王之塋又風土記

均州上古之時即有康之國謂人民朴野

安靜樂善雖曰康鹿猶可安居又仙傳稱